

Guangjisi Minzcu Bau

ganbbau: CN45-0036 B.2014 Nd.11 Ng.12 liggaueq gyapngux nienz nyinbndwengoujngeibcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3148期

Cungzcoj Densidaiz Aen Lanzmuz 《Sinhvwnz Vahcuengh》 Hai Bo

崇左电视台《壮语新闻》栏目正式开播

11 nyied 6 hauh, Cungzcoj Densidaiz aen lanzmuz 《Sinhvwnz Vahcuengh》cingqsik haibo, aen lanzmuz neix dwg aen densidaiz neix aen lanzmuz daih' it aeu Vahcuengh dangdieg daeuj bo. Neix dwg gih raeuz gij densidaiz disi gaep haibanh daih' it aen densi lanzmuz Vahcuengh, neix hix dwg aen si neix gvangjbo, densi miz gij cezmuz sinhvwnz Vahcuengh

caez lo.

Aen lanzmuz neix aeu Vahcuengh baihnanz(Vahcuengh Lungz-couh) daeuj bo, moix geiz cezmuz 10-15 faen cung, bo ok cwngcwz, ginghci, vwnzva, minzswng daengj, moix cou singhgiz it daengz singhgiz haj banhringz 13 diemj 15 faen youq cunghab binzdau bo ok. Vih hawj cezmuz lai mizyinx lai miz yingjyangj,

aen lanzmuz neix gyoebcomz lai cungj sinhvwnz swhyenz, yungh doz, sing, saw daengj lai cungj hingzsik, bo ok ndaw si gij vwnzva Bouxcuengh miz daegsaek de, bo ok vunzlai haenqrengz guhhong roengzrengz fazcanj ginghci, neix hawj aen lanzmuz neix baenz giz lwnh saehmoq daeuz hawj vunzlai haengjgyaez mizyinx ndeu.

(Cungzcoj Minzyijvej/崇左民语委)

SIUSIK DINJ

简讯

● Bineix, Sanhgyangh Dungcu Swciyen Linzhil Yangh Yazgij Cunh ndaej cienznagaenz fuzbinz 300 fanh maenz, aeu daeuj gag ung dinfaex gocaz, vat roen guh canjyez nem bangfuz boux ndaem caz daengj, doenghgij dinfaex gocaz yaek soengq hawj aen cunh neix ndaem 2000 lai moux suencaz, haenqrengz dajcaux aen cunh neix baenz aen cunh lijyouz moq comz miz vwnzva caz, minzsuz funghcingz nem nungzyez ngonzyawj.

(Gungh Bujgangh)

● Daj bineix daeuj, Lungzswng Gak Cuz Swciyen aeu saedhengz "vwnzva hwng yienh" guh gihvei, laeb minzcuz vwnzva vunzcaiz sinsizgu. Aen sinsizgu neix souhaeuj doenghgij vunzcaiz minzcuz vwnzva baugvat guh ndangdaenj minzcuz, yienjok yozgi minzcuz, doenghyienh minzcuz fwngz guh daengj 6 loih 92 boux.

(Vangz Yungjfeih)

● Dangqanj, Cauhbingz Yen Senhvez Yauzcuz Yangh gaenq guh baenz raetmoenggaex sifan gihdi 300 moux, bi ndaej sou raetmoenggaex 180 dun, gai ndaej 1200 fanh maenz.

(Liuz Feih)

● Bineix, Yungzsui Myauzcuz Swciyen Swyungz Yangh Yungzdi Cunh youq ndaw gihdi lwgmak gwnz bya cab ndaem byaekgwn, gungh dajndaem lwgmanh 400 lai moux, guj ndaej sou lwgmanh mauhgvag 50 fanh goenggaen.

(Liu Swngyinz)

● Gaen bi daeuj, Lingzyinz Yen Ya'gyaz Yangh Bingzvaiz Cunh haenqrengz ndaem gosangh ciengx nonsei. Dangqanj, aen cunh neix miz suen gosangh 7000 lai moux, moix bi gij ranz ciengx nonsei ceiq lai de ndaej 11 buek, ranz ciengx nonsei moix boux souhaeuj 7000 maenz doxhwnj.

(Siuh Fazlingz)



Lozcwngz: Ndawnyieb Banh Yienhgingq Nem Cietyisuz

罗城:月底举办“一庆一节”

11 nyied 6 hauh, Lozcwngz Mulaujcuz Swciyen youq Nanzningz gawjbanh Lozcwngz Mulaujcuz Swciyen laebbaenz 30 hopbi yienhgingq nem daihcibhaj gaiq Hozciz gyongdoengz eu fwen yisuzcez sinhvwnz fazbuvei, naeuz, aen yienh neix dingh 11 nyied 23 hauh youq yienhsingz gawjbanh hozdung angqhoh, caemhseiz gawjbanh daihcibhgaig Hozciz Gyongdoengz Eu fwen Yisuzcez. Ndaw doz dwg fazbuvei yienhcingz.

(Dangz Lungz/唐龙ing)

Nazboh: Hengzguh “Hwng Bien Fouq Minz” Gunghcwngz Cwngzyau Yienhda

那坡:实施“兴边富民”工程成效显著

Nazboh Yen daj 2008 nienz daeuj, youq ranghdieg henzguck 20 goengleix dauqndaw cienzmienh saedhengz "hwng bien fouq minz" gihcuiz sezsih gensez, gonqlaeng saedhengz goengloh, vunz nem doihduz gwnraemx, ranzyiemj gajguh, daemzcaujgi, diegdeih cingjeix, veiswng, gyauyuz, gvangjbo densi daengj 12 daih loih 8801 aen hanghmoeg, gungh roengzngaenz 1.78

ik maenz. Hanghmoeg guh doh 6 aen yanghcin 59 aen cunh 680 aen mbanj 17965 hoh 77246 vunz. Gij hanghmoeg neix guhbaenz ndaej yungh le, mizyauq dwk hawj gyoengqvunz ranghdieg neix ndaej gajgez byaij roen hoj, ranzyouq hoj, hauejhag hoj, yawjbingh hoj, gwnraemx hoj, yungh dienh hoj, soudingq(yawj) gvangjbo densi hoj daengj vwndiz.

Ciuq cam rox, youq baez 2014-2015 nienz fuzbinz haifat neix, aen yienh neix roengz 1.852 ik maenz, saedhengz 114 aen hwng bien fouq minz hanghmoeg. Daengz dangqanj, gaenq guhsat 62 aen hanghmoeg, ciemq cungsoq 54.4%; gij hanghmoeg cingq saedhengz nem cingq yaek saedhengz, dajsuenq saedhengz de miz 52 aen, ciemq cungsoq 45.6%.

(Liengz Swng/梁盛)